



## **Aningaasaqarnermut Naalakkersuisoq**

### **TUAVIORTOQ**

#### **Sisamangornermi ulloq 30. december 2010 Aningaasaqarnermut Ataatsimiititaliap aalajangiinera pillugu Naalakkersuisunut ilisimatitsissut – Suliaq nr. 01.31.06/10-00519.**

#### **Inissiamik Isumaginninnermut Naalakkersuisoqarfimmut nuussineq.**

Naalakkersuisut **inassutigaa**,

- konto pingaarnermi 83.30.13 Nuna tamakkerlugu paaqqinniffiit, suliassami nr. 060.40.048-mi B-2049-p Meeqqat Illuata allanngortiternera, Nuuk, aningaasaliissutit 1.500.000 kr.-inik amerlineqassasut.
- konto pingaarnermi 30.10.45-mi, Meeqqat inuusuttullu immikkut ittumik suliniuteqarfigineqarnerat, aningaasaliissutit taamaaqataanik 1.500.000 kr-inik ikilineqassasut.”

#### **Aningaasaqarnermut Ataatsimiititaliap oqaaseqaatai**

Aningaasaqarnermut Ataatsimiititaliap maluginiarpaa suliniutissatut siunnersuutigineqartut piffissamat sivilisinerusumut ataavartumilluunniit atasussaannngitsut, kisiannili immikkut akuersissuteqarluni ukiut marluk pineqartut. Suliaq Aningaasaqarnermut Ataatsimiititaliamut saqqummiunneqarneratut aalajangiisoqartinnagulugu Ataatsimiititaliap pisariaqartippaa pissutsit makku sukumiinerusumik nassuiaateqarfigineqassasut:

- 1) Meeqqanut inuusuttunullu tunngasuni suliniuteqarnissaq tamatigoortumik naalakkersuinikkut pingaartinneqartoq innersuussutigalugu eqqarsarnartutut isigineqarpoq Meeqqat Illuat eqqarsaatigalugu ungasinnerusumut aaqqiissutaasinnaasumik siunnersuuteqartoqarsinnaanngimmat. Ataatsimiititaliap tamanna pillugu Naalakkersuisunut ilaasorta qanoq isumaqarnersoq paaserusuppa.
- 2) B-2049-p Meeqqanut Illunngortinneqarnissaanut pilersaarutitut atatillugu Ataatsimiititaliap kissaatigaa Meeqqat Illui eqqarsaatigalugit nuna tamakkerlugu pilersaarutit naatsumik nassuiaateqarfigineqassasut, tamatumunnga ilanngullugit sulisoqarnikkut pisariaqartitat taakkulu naammassinissaannut periarfissat.
- 3) Ataatsimiititaliap kissaatigaa B-2049 eqqarsaatigalugu immikkut akuersissuteqarnerup imarisai pillugit sukumiinerusumik nassuiaasoqassasoq.
- 4) Ataatsimiititaliap paaserusuppa B-2049 oqoqarnersoq misissorneqarsimanersooq.

- 5) Naalackersuisut isummernissaannut tunngavissiami **Aningaasatigut** kingunerisassat allaaserineqarnerini oqaatigineqarpoq suliaq aningaasatigut kinguneqassanngitsoq. Aningaasaqarnermut Ataatsimiititaliaq isumaqarpoq taamatut saqqummiussineq immikkut isigalugu pissusiviusunik ersersitsinngitsoq Meeqqat Illuannut atatillugu 1.500.000 kr.-inik atuisoqarnissaanik kissaateqarnermut sanilliullugu. Aningaasatigut kingunerisassat eqqarsaatigalugit taaneqartut itisilerneqarnissaat ataatsimiititaliap kissaatigaa.

**Aningaasaqarnermut Ataatsimiititaliap aalajangenera**

Aningaasaqarnermut Ataatsimiititaliap Naalackersuisut inassuteqaataannut isummernissani **kinguartippaa** qulaani apeqqutinut Naalackersuisut akissuteqarnissaat utaqqillugu. Naalackersuisut akissuteqaat piaartumik kalaallisut qallunaatullu nassiuteqquneqarpoq assilinera qarasaasiakkut [nch@ina.gl](mailto:nch@ina.gl)-imut nassiuteqquneqarluni.

Aningaasaqarnermut Ataatsimiititaliap sinnerlugu

Naaja Nathanielsen  
Aningaasaqarnermut Ataatsimiititaliap siulittaasua